

既歸往而聖人以不利利之益利之以利則有利亦有害利
之以不利則常利而不害則民得以常安常平常泰也政和
註曰安則無危平則無諛泰者通治

樂與餌過客止道之出口淡乎其無味視之不足見聽之不足
聞用之不可既

既盡也言外物之可利者皆不能久惟道之利人以不利爲
利故能久也樂者歌吹舞蹈之聲容餌者飲食之味饗燕之
禮設樂設餌以悅樂賓客然客既過去則其聲容與味亦止
而無復有可爲暫焉之悅樂而不能以終日也道則非如餌
之可飲食非如樂之有聲容可視聽也然用之則能常安常
不可既

道藏輯要

道德真經註

卑

心集十
XO-

平常泰而無可盡之時非如樂餌暫焉悅樂而已故曰用之
不可既

右第三十章

將欲歛之必固張之將欲弱之必固強之將欲廢之必固興之
將欲奪之必固與之是謂微明

歛闔也張開也老子謂反者道之動又謂玄德深矣遠矣與
物反矣故其所爲大槩欲與人之所見相反而使人不可測
知故借此八者相反之四事設譬而歸宿在下文柔勝剛弱
勝強六字亦猶前章言善救人善救物而章首先借善行善
言善計善閉善結五者爲譬也孫吳申韓之徒用其權術陷

人於死而人不知論者以爲皆原於老氏之意固其立言之不能無弊有以啟之而遂謂天下誰敢受老氏之與者哉則因其言而并疑其心亦過矣註者又欲諱護而爲遁辭蓋胥失之視不可見曰微微明者微其明也謂匿其可見者而使之不可見猶前章言襲明也人但見其張之強之興之與之而不知其欲歛之弱之廢之奪之也故曰微明○歛音翁

柔勝剛弱勝強

彼剛而我欲以剛勝之彼強而我欲以強勝之不亦難乎我以柔弱自處則剛強者不我忌也而終於能勝之何哉蓋與以相反而使之不可測知故也蘇氏曰天下之剛強方相傾軋而吾獨柔弱以待之及其夫者傷小者死而吾以不校坐待其斃此所以勝也然聖人豈有意爲此以待勝物哉知勢之自然而居其自然爾

無不可脫於淵國之利器不可以示人

無脫於淵見其易制而爲人所取國之利器以示人人見其爲利且將效之或求過之而我之利者不足以爲利矣不脫於淵不以示人則不可測知所謂微明也

右第三十一章

此章主意在第二節柔勝剛弱勝強六字其第一節謂欲與人相反也第二節謂欲

使人不可測知也

道常無爲而無不爲

道藏輯要

道德真經註

聖

心集十